



139. ՀԵՔԻԱԹ ԼՈՌԸՅՈՒ ԼԵԶՎՈՎ

Հին ժամանակը էլեւ ա մի պառավ կնիկ, ունեցել ա մի տղա, ապըրուտ ալելի ոչինչ չի ունեցել, մի կով ա ունեցել, մին էլ մի հավ, Մի օր պառավը իր տղին ասավ.— Ա՛յ որթի, մեր կովը խու սոված սատկեց, խի՞ չես տանում ըրածացնում:

Տըղեն կովը քըշեց տարավ ըրածացնելու: Մի գել արոտատեղը էկավ, կովի հետ ախպրացավ: Հիրիգունը տըղեն կովը քըշեց, որ տանի տուն՝ իր մերը կըթե, էն գելն էլ կովի հետ գընաց գըռանը կանգնեց: Պառավը դուս էկավ, որ կաթը կըթե, տեհավ կովը դըռանը կանգնած ա, ու մի գել էլ կողքին հիրար դունչ լիզում են: Պառավը կաթը կըթեց տարավ, որ մածուն մերե, էն քըշերը գըռանը կովը ու գելը հիրար ճիտ արին չկել լիսը:

Հըռավոտը լիսացավ, էլ տըղին ասավ.— Ա՛յ որթի, վեր կաց, հացըդ կի ու կովին տար ըրածացրու:

Ասավ թե չէ, դուս էլավ, տեհավ կովն ու գելը էլ հիրար հետ քեփով գընում են դըրա հանդը, գընաց տուն իր տղին ասավ.— Պըրծի չուտ արա, գընա, վայ թե գելը կովին վեր կոխե ուտե:

Տըղեն մորն ասավ.— Ա՛յ մերա, թե որ ուտող էր էրեզվան սաղ օրը հիրուր հետ են խի՞ չի մի զարար տվուց:

Մերըն ասավ.— Որթի, չունքի թըհենց ա, դե թող տենանք ո՞նց են հիրար հետ յուս գնում:

Օրն էկավ մըթնեց, պառավը դուս էլավ, տեհավ կովն ու գելը ամեն օր անշառ գընում են ըրածում ու գալի տուն, էլ տղին կովի պահելու հըմա ոչինչ չէր ասում: Մի հըրիգուն էլ կովն ու գելը էկան տուն, պառավը դուս էլավ կաթը կըթեց, տարավ տուն ետ դասպելա դուս գընաց, տեհավ մի խեղճ մարթ գըռանը կանգընած:

էն մարթը հարցուց թե.— Դեդի ջան, ըլիլ չի, որ էս քըշեր քու տանը դոնախ պահես:

Պառավն ասավ.— Խի՞ չի ըլիլ, քի մատաղ գընամ, դոնախը աստըծունն ա:

Դու մի ասիլ, էս մարթը թագավոր ա, պառավին փորձում ա, պառավը բանի խաբար չի:

Պառավըն էն հրիգունը պատրաստութուն տեսավ իր տանը, ինչ որ գըղավ աստծու տվածեն, էս մարթին հաց ուտացըրուց. հաց կերան պըրծան, սուփրեն վեր քաշեցին:

Ըժու էս մարթը պառավին հարցրուց.— Դեդի ջան, ձեր թագավորը ո՞նց ա, բարի թագավոր ա, թե՞ չէ:

Պառավն ասավ.— Ա՛յ ախպեր ջան, մեր թագավորին աստոծ երգար կենք տա, էն ղըդա լավ ու բարի թագավոր ա, որ մի կով ունինք՝ գելն ու կովը ցերեկը հիրար հետ գընում են ըրածում, էլետ գըշերը տուն գալի, մի հավ էլ ունինք օրենը իրեք ձու ա ածում, որ նըհանցով բոլ-բոլ յուր ենք գընում ու ձեզ պես աստըծու դոնախին էլ հըռաստ բերած վախտը ինչ ղըտա կարում ենք, պատիվ ենք տալի:

Հստուր վրա պառավի գըրիցը շատ դուր էկավ թագավորին, ըժու պառավին ըշկարա արավ, թե.— Ես եմ թագավորը:

Պառավը իր մտկումը աստըծուն փառք էր տալի, թե. «Փառք քու խընամքիդ, աստված ջա՛ն, որ թագավորը մեր աղքատ տանը լայաղ արավ, հաց կերավ»:

Թագավորը ասավ պառավին.— Դեդի ջան, խընդըրեմ. ու՛ հեքուց էտ հավը քու տըղին տաս, բերե իմ տունը:

Պառավն էլ ասավ.— Շատ լավ կըլի, կըղըրգեմ:

Հեքսը լիսացավ, հավը տղին տվուց թե.— Տար թագավորին փեշքաջ արա, վախիլ մի, նա էլ քի դըրա բաղալը լավ զադ կըրաշխե:

Տղեն հավը վեր կալավ, տարավ թագավորի դուռը կանգնեց, մտիկ արավ տեհավ՝ թագավորը իր օթախումը աստըծու հըմա աղոթք ա անում: էս տղեն փիքըր արավ. «Թե սա էլ ա աստըծուն դանշանք անում, անմեղ տեղը մեր մի օրվան հիրեք ձուն խի՞ստ

իմ կորցնում, հազիր եդ մեր տունը տանիմ, մենք էլ հրենեց յուր զընանք, ոնց որ չըկել հըմի յուր ենք գընացել»։

Թագավորին ըրեաց ոչ, ետ գնաց, հավը տարավ մոր կուշտը, մերը, որ տեհավ, ասավ.— Որթի՛, խի՞ ետ բերիր։

Տըղեն ասավ.— է՛հ, ես որ դիզացել ի, թե բանը ըսենց ա, ըսկի տանիլ չի։

Մերը ասավ.— Որթի՛, որ ըթենց արիր, դեհ գնա մի քիչ փետ բի էդ մոտիկ ծմակիցը, հաց թխենք, թխած հաց շունինք։

Վեր կացավ մի հաց գոտկումը դրուց, մի թոգ էլ վեր կալավ, զընաց ծըմակումը փետը կըտրեց, թոգի վըրա դարսեց, դալիմ կապեց, տակին կըռացավ, որ շըլակե։ Բիրդան ըղաքի կրոանը մըտիկ արավ, տեհավ քառասուն մենձ կարաս, քառասուն էլ ոսկով լիքը. խիստ շատ ուրախացավ, դարսած փետը շըլակեց, տարավ տուն, սըրահումը վեր ածավ, ըծու իր մոր հետ ծըմակի տեհածները հեքիաթ արավ։

Մերը ասավ.— Որթի շան, խազինեն որ կըզըղնուն՝ ադաթ ա, Թագավորին իմաց կանեն։

Գընացին Թագավորին իմաց արին, ամա պառավը ծերքի խոսքը էս ասավ.— Հավը, որ դու ուզեցիր ինձանից՝ տըղիս տըվի ղըրգեցի, նա էլ բերել էր, տեհել, որ դու էլ ես աստըծուն երկըրպագուիցն տալի, փիքըրըն էր արել, թե որ ըսենց ա, մեր հավը ետ կըտանիմ մեր տունը, մենք էլ լավ աստըծուն երկըրպագութուն կը տանք։

Թագավորը, որ էս տըղի հավը բերիլը ու էն խորը մըտքով ետ տանիլը հիմացավ, իր մըտքումը զարմացավ, շատ հավանութուն տըվուց, մի քանի մարթի ասավ.— էս տղին վեր կալեք, զընացեք, տեհեք, թե որ խազինի գընուլը ըղորթ ա հա, վըրեն դարաուլնի կանգընացրեք, ըծու դուք ետ էկեք։

Ոնը որ Թագավորը հըրաման տըվուց, զընացին, տեհան խազինի գընուլը շիտակ ա, էլ ետ էկան Թագավորին հիմաց ըրին։

Ըծում հըրաման տըվուց, թե.— էդ տըղին ու իր մորը կըտանիք իմ օթախնուցը մընի միջումը պահ կըտաք, յուր կէրթան ու դուք կէրթաք իմ պալատի միջի մարթկերանցը շիմնուն էլ կասեք թե. «Թագավորը ասում ա՝ հեքուց ճաշին համեցեք իմ ղոնախըն եք»։

Գընացին հիմաց արին՝ ոնց որ Թագավորը հրաման էր տըվել։

Հեքսը լիսացավ, ճաշին ղոնախնին շիմն էլ էկան Թագավորի

տունը լտվ, քու հավան կացած, քեփ արին, պըրծան, սուփրեն վեր քաշեցին: Ըծու թագավորը ասավ.— Գիտե՞ք ինչ կա, ես ձեզ մի խընթիրք ունիմ ասելու, ամա էրեսպաշտութենով չի ջուղար տաք: էս պառավն ու տըղեն մեր ու որթի են, սըհանք ունին մի հավ, օրենը հիրեք ձու ա ածում, ես պառավին դանչանք արի. թե էդ հավը քու տըղին տու, բերե իմ կուշտը. տըղեն բերել ա, մտիկ ա տըվել, տեհել ա, ես ինձ հըմա իմ օթախումը աղոթքըն եմ անըմ, կանգնել ա ու փիքըրն արել թե՝ «է՛հ, սա էլ ա աստըծու հըմա աղոթքն անում, անմեղ տեղը մեր մի օրվան իրեք ձուն խի՞ ենք կորցընում» էս մտկովը հավը եդ իրանց տունն ա տարել: Ըծու ընդիան գնացել, որ իրանց տան հըմա փետ բերի, փետատեղը քառասուն կարաս ոսկի ա գդել, հըմի դուք ձեր աստոծը, էն դրտա փողն ո՞ւմ դըսմաթըն ա:

Խալխը չիմ միբերան դայիմ ձեն տըվին.— էդ խազինեն պառավի ու իր տըղի հալալ աստըծու տըված դըսմաթըն ա:

Նըհանց կըտրած դիվանը թագավորին էլ շատ դիր էկավ: Ըծու թագավորը պառավին ու իր տղին կանչեց, ասավ.— Կերթաք էն քառասուն կարաս ոսկին կըտիրապիտեք, թե որ ուրիշ էլ կուզեք, իմ խազինիցն էլ տամ, տարեք:

Գըլուխ տըվին ու ասին.— Թագավորը ապրած կենա, էն դրտա խազինեն էլ մեզ բոլբոլ հերիք ա, ուրիշ էլ ի՞նչ ենք անում:

Շնորհակալութին արին թագավորիցը ու գնացին, էնդըդա խազինեն տիրեցին ու իրանց աստըծուն վառք տալով քեփ ին քաշում, ոնց որ թագավոր: Չարն ընտի, բարին ըստի: Աստըծուցը հիրեք խնձոր վեր գա, մինը ասողին, մինը լսողին, մինն էլ ալամ աշխարքին:

